

海國勝游草

地980  
892.2  
部三三



務本堂





同治戊辰首夏

倦國騰游州

桐城章于錦題





者難為水觀於海國勝游之詩抑亦  
難為詩矣是為序  
同治己巳正月九日醞卿弟董恂頓  
首撰於綠肥紅瘦之軒





題辭

楊能格 簡侯

堯天胞與徧寰瀛，鄭重星槎第一行。  
九萬里餘傳使節，廿三史外建勛名。  
鮫宮蜃闕供觴詠，虎瑟鸞笙管送迎。  
絕域懷柔資碩彥，樓船不藉鄭和兵。

周家楣 小棠

海客談瀛州 成 句其詳不可求，今君親戾止異境，必窮搜。  
丰采圖麟鳳，程途歷斗牛。茲行堪不朽，高詠况千秋。  
世事成奇局，艱難古所無。波濤識忠信，談笑見訐謨。應

有良籌在期將，國步扶壯遊。君莫詡中夜，起踟躕。

夏家鎬 鉢因

九萬滄溟路，遊歸未及年。奇聞搜絕域，平地見飛仙。  
親受烏孫拜，真探虎穴旋。乘查誇犯斗，何數漢張騫。

談笑風濤裏，豪吟氣吐虹。是翁真矍鑠，此舉亦英雄。  
豈作傳人想，惟存報國衷。艱難今日事，起舞劍光紅。

和劉雲生泛海卽景原韻兼懷斌友松郎中

方濬頤 子箴

壯哉滄溟遊，睨晚豪氣吐。渺不見乾坤，高下浪花舞。  
火



輪奪天工風力暗中鼓化狐作舟楫對此首應俯有客

乘槎迴友松奉使海上諸國行九萬餘里雪海快先睹友松言七月泛海一夕海水忽

光明如雪混茫孰疏鑿堪傲神禹斧令我詩膽雄解后得今

甫君盍過訪之抵掌話檐簷

方濬師子嚴

一卷新詩當水經雕搜風月徧滄溟樽前重話乘槎路

更憶天邊二使星謂克庵稼生

碧海鯨魚掣電過水光如鏡夜無波菩提若解西來意

吸盡西江不覺多

二

龔自閔叔雨

熙朝盛德徧懷柔使者乘槎作壯遊耳目不教方域限

儀容爭向畫圖求大稿有近來海國傳佳話不惜金錢繪友松之句仗君彩筆

題山海如讀奇書到濞陬九萬鵬程經足跡此行應詔

古無儔

陸仁恬澹吾

漢使皇華第一篇乘槎何必數張騫島夷風景詩中繪

華夏人文海外傳曾與蛟龍爭道路親從圖記閱山川

歸來重話滄溟事九萬程途在眼前



彭祖賢 芍亭

鼓角樓船滄海經壯懷落落躍青萍十洲三島供詩料  
吟到魚龍氣尙腥

喧傳星使降遐陬嘉果瓊漿禮節脩文教固知漸被遠  
采風第一有誰儔

蔣彬蔚 子良

寰瀛以外疇閱覽萬里乘風羨此遊異俗何妨存六合  
豪吟真足壯千秋路逾方士求仙遠才較詞人賦海優  
想見扣舷高唱日遙瞻北極是 皇州

三

潘曾綬 級亭

黃塵赤日懶諸人閉門避熱自耽靜新詩一卷有仙意  
置身已到清虛境君家兄弟不可當君尤矍鑠神飛揚  
九萬餘里十七國珠光火樹雲迷茫太西算法推最精  
地球自轉人未明君獨一言能破的悟出大氣包寰瀛  
我 朝仁厚古無比力行勤儉戒奢靡使者忠信涉波  
濤絕域懷柔從此始



海國勝遊草

襄平 斌椿 友松

大沽礮臺

百里津沽岸冰融瞬息過

時冰甫泮

雙臺環雉堞萬里靜鯨

波曲港藩籬固平沙保障多

海口鐵板沙甚高如門限然

烽煙久消

歇估客樂絃歌

示同舟客

久歷江湖五十春倦遊暫隱軟紅塵風波見慣渾閒事

海客休教傲北人

海國勝遊草

過之罘島至烟台觀海樓

潘偉如觀察建登眺

山勢鬱崔嵬之罘入海來鮫人貨珠貝

山坳洋樓層疊商舶聚集

氣幻樓臺島峙千屏列波平一鏡開登高思琢句恨乏

謫仙才

黑水洋大風

輪船創造非尋常測理精邃制器良洪鑪烈焰煮沸湯  
真氣鼓動力莫當機括奧妙費審量頓使險阻成康莊  
大君有命通入荒乘之飛渡黑水洋東海大風真泱泱  
布帆千尺兩翼張軒然巨波起空蒼鷁首出没相低昂



矯如健鶻天際翔  
柁樓兀立神飛揚

上海東門外濱臨大江兩岸起造洋樓十餘里俗

呼洋涇浜

兩岸層樓接碧天  
綺窗雕檻鬪新妍  
蜂房萬落高如許  
想見阿房杜牧篇

郊衢平坦淨無塵  
士女閒來共踏春  
一陣輕雷聲隱隱  
四輪車子載遊人

西國佳人畫不如  
細腰裊娜曳長裾  
異香撲鼻風前過  
攜手同登油壁車

海國勝遊草

二

傅粉施朱總莫加  
天然顏色謝鉛華  
鶯聲嘒嘒人難會  
不讓明皇解語花

寄楊簡侯表弟

五年林下縱清談  
策馬西陲我未堪  
君前歲奉命督辦慶陽糧臺今

日定教君艷美杏花時  
節在江南

海天高唱擅清新

往歲君航海入都時著有海天集詩一册

挂席居然步後

塵十載不飛飛極遠  
欲鳴恐乏句驚人

鞭子鳥

舟出吳淞口煙波大小磯  
巨魚衝浪起白鳥貼人飛檣



影入空際柁樓明夕暉晚來過龕赭風景昔年非

### 過舟山

船如健鶻入雲間破浪乘風若等閒西望蒼蒼烟霧裡  
榜人指點是舟山

昨由吳淞口放舟今日見海梁島

已至閩海界

吳淞昨日挂輕蒲千里扶搖過海隅好似飛仙遊入極  
朝離北海暮蒼梧

舟過閩省海口寄弟子廉

名斌敏同治乙丑進士以知縣籤分閩省

昆季入書堂六人子最少稍長習文藝下筆何穎妙我

### 海國勝遊草

三

時北遊燕子撥富春棹壘篋聚鄉園我又赴嶺嶠雁影  
每分飛愁聽驅歌調西江十九年喜聞弟名噪賢書幸

早登

道光乙未科領鄉薦

泥金祈得報一官筮入閩牛刀當奏效

邑宰任非輕愛民守庭教今年通入荒奉命敢避諄所  
喜道出閩聯牀快言笑風利不得泊緣慳豈能料書此  
作面談待覓雙鯉到他日海外歸景物爲子告

二月十二日舟中玩月

已出粵洋

萬里澄波靜不瀾天風吹入客衣單胸中自覺無渣滓  
碧海青霄放眼寬



越南國雜咏

道路隨傳天管明使星昨夜到占城中華冠蓋今重見

齊說 恩臨海宇清

地多閩粵人久不觀天朝人物聞子來皆求一見為快

王家累葉沐藩封海不揚波 帝道隆但使共球無失

職定教人壽歲時豐

相傳國王受封後政事皆順否則天必降災云

白象烏犀錦障圍向陽門第敢巍巍

王宮官府皆東向極卑

豈徒

崇儉卑宮室只恐秋風屋瓦飛

夏秋多大風故屋宇甚低

氈裘昨日甫離身揮扇今朝更脫巾莫訝炎涼容易換

途經萬里馭鸞輪

海國勝遊草

四

野花夾道不知名淺紫深紅畫未成惟有木香風味好

十年心事憶邗城

瞥見鮮花供上方晚香玉共夜來香

粵人造天后宮甚壯麗案頭供此二

種 兒童更喜餐佳果橘子青青荔子黃

水邊瓜艇是儂家一髻低垂兩鬢雅生小絳唇無待點

嫣然一笑露紅牙

俗喜食檳榔唇齒皆紫色人人然也

青衫短短髮垂絲跣足科頭一樣姿郎已及笄儂未冠

誰能辨我是雄雌

男蓄髮多無髭女赤足不施簪珥戴笠真莫辨雌雄也

四輪車走疾於風促坐臨懸面面空御者猙獰形可怖



文身斷髮鬢蓬鬆

十里馳驅道路長  
解衣揮汗到炎方  
村人知有相如渴  
剖取椰漿勸客嘗

草木狀椰樹葉如桤欄高六七丈  
無枝實大如瓜有漿飲之得醉

肆樓小坐試烹茶  
異域遨遊興頗嘉  
饒口至今剛一飽

故鄉風味在天涯

茶食有京師味

地處南交古越裳  
周時重譯拜明堂  
低徊上下三千載

此去誰乘萬里航

至新嘉坡

小兒剗木為舟見商船擲  
銀錢海中則沒水取出

瓜皮艇子小於舟  
蕩漿兒童水上浮  
自古南蠻稱鴉舌

海國勝遊草

五

果然羣作語啁啾

一齊嬉笑躍深淵  
碎影冲開水底天  
趨利從來真若鶩

不辭辛苦覓金錢

至印度錫蘭島

山陰道上記曾經  
雪白雙鵝戲綠萍  
儻遇右軍交易去

欣然定與寫黃庭

芭蕉結子碧離離  
椰樹成林拂翠絲  
景物不同須記取

橙黃橘綠仲春時

時橙橘新熟

古刹何年嶺上修  
貝多羅樹徧山頭  
愛聞旃蔔林中味



一笑拈花天際遊

山有古寺

度世心勞苦海邊不如合眼且安眠

寺中有卧佛

恆河

印度東北

大河沙數人無盡說法何能徧大千

二月二十九日黎明見輪船西來

朦朧曙色映朝霞四望空明興倍嘉忽見峭帆來異域  
竟如故友遇天涯三更客夢添鄉思兩字平安寄我家  
四萬程途剛及半憑君傳語到中華

泊舟錫蘭島客又增至三百餘人內不同國者二

十有八不同言語者一十七國形狀怪異洵屬

### 海國勝遊草

六

大觀因與鳳夔九德在初

俱繙譯官

諸人及三子廣

英論山海經所載各國傳訛已久非身歷不能

考證也率成長古

生平恣拙安田疇讀書閉戶無他求惟有奇編貪不足

石渠天祿勤旁搜撐腸那得五千卷借觀時苦同荊州

瑯環福地有日到百城坐擁輕王侯牙籤翠軸徒飽蠹

一編在手真忘憂讀萬卷書行萬里有志未識何年酬

壯歲饑驅不自主西瞻華岳東羅浮南登會稽臨禹穴

北至媧皇鍊石補不周

山西霍州有女媧所鍊補天餘石

精氣時欲驚



八極舟車所至隘十洲偶觀山經抱長歎掉頭思作乘  
桴遊瓜哇天竺儻可到縱橫四表開雙眸今茲同來大  
荒外地球正在西南陬天教大擴胞與量二十八國人  
同舟歧舌每每煩九譯一十七種言喁喁形狀詭異服  
色怪雕題長股如觀優列邦咸知重中夏免冠執手禮  
節修晨昏相見情誼洽頗同談笑雜歌謳凡人稟賦同  
此理所藏不恕終相尤豈必殊方始隔膜同室往往操  
戈矛情聯義合消畛域海外亦皆昆弟儔若云夏鼎鑄  
異物窮奇罔兩情難投貫胸羽民三面國傳訛已久今  
海國勝遊草

七

在不吾人讀書弗泥古矜奇炫異亦可休武成祗取二  
三册亞聖斯言良有由

舟中有印度回教人往土耳其國拜教祖墓以祈  
福者登舟病不能起三月朔圓寂舟例客死則  
投諸海聞有遺書以十二萬金遺其子某感此  
賦之

我聞古釋迦飛錫自伽藍佛名登大乘佛身遽涅槃嗣  
興回教祖相衡亦異端舍近而求遠邀福往他山佛祖  
其有靈應保爾平安中道乃竟卒賣志苦未完葬身在



魚腹淨土焉可攀吁嗟乎奪却烏鳶與螻蟻禪心乃被  
滄溟洗惜哉捨身不捨財遺費未聞濟鄉里

上巳日將至亞丁偶成

海國春晴久風和上巳時碧波平似掌新月廣於眉鳥  
倦檣頭集魚貪柁後隨

舟人以餘糧傾海中巨魚多有追食

蒼蒼千里濶

佳景幾人知

至埃及國都

即麥西國地名改羅

初乘火輪車

輪車之制首車載火輪器具火然水沸氣由管  
出激輪行次車載石炭及御者四五人後可帶

海國勝遊草

八

車三五十輛車廣八尺長二丈有奇分三間每  
間兩旁皆有門窗嵌以玻璃設木炕二鋪設厚  
軟華美爲貴客坐也次則載行李貨物又次則  
空其中載木石牛馬駱駝各物皆用鐵輪六前  
車啟行後車銜尾隨之一日夜可行三千里然  
非鐵路不能

宛然築室在中途行止隨心妙轉樞列于御風形有似  
長房縮地事非誣六輪自具千牛力百乘何勞八駿驅  
若使穆王知此法定教車轍遍寰區



雲馳電掣疾於梭十日郵程一刹那回望遠峰如退鷁  
近看村舍似流波千重山嶺穿腰去百里川原瞥眼過  
共說使星天上至至乘查真欲泛銀河

古王陵

在改羅西三十里

航海逾五旬又蠟遊山屐未明戒徒御策蹇厯田陌行  
見村舍稀黃沙少人跡古塚巍然存高高四千尺北向  
有墓門蘚花埋洞額不知何王陵烏篆捫斷碣土人勸  
客進篝燈照幽窟深入二里遙蛇行覓空隙中有石櫛  
存扣之韻清越翁仲卧千年蒼然土花碧

海國勝遊草

九

十二日往地中海途中見刈麥

東阡西陌集成羣餉飯村娃着短裙麥隴香來聞餅餌  
腰鎌處處刈黃雲

農家一樣綠成圍擔榼提壺出短扉更有似曾相識客  
雙雙燕子貼波飛

至馬塞

法國海口

樓閣連雲

皆高七層

用煤氣然燈萬盞交

輝街市如晝

到處光如晝真同不夜城珠燈千盞合火樹萬株明晝  
檻雲中列香車鏡裡行夜遊須達旦何必問鼉更



二十日申刻由馬塞開車至里昂行八百餘里

半日飛車疾行程八百遙樓臺插銀漢燈火出林梢紫

陌塵全洗街道兩旁皆石溝逐日洗濯清泉珠亂跳當途設有水法激水噴射遊觀

者至夜不絕館人勞款接引客上層霄寓樓極高

德侯理文以譯唐詩一册見贈賦謝

海外逢知己清談意倍親開編追往哲厭俗謝朝紳君謝

爵不樂仕進微恙勞頻視新交等故人客途持此册欣喜比

懷珍

二十二日戌刻由里昂登車未明即至巴黎斯法國

海國勝遊草

十

都名計程千里街市華麗甲於太西

康衢如砥淨無埃駿馬香車雜逐來畫閣雕欄空際立

地衣簾額鏡中裁明燈對照琉璃帳美醞頻斟瑪瑙杯

醉裡不知身作客夢魂疑是住蓬萊

入門問俗始稱奇事與中華竟兩歧脫帽共稱修禮節

坦懷何用設藩籬簡編不惜頻飛瀾瓜李無嫌弗致疑

最是綺紈長掃地裙裾五色歎離披

書所見

出門遊女盛如雲陣陣衣香吐異芬不食人間烟火氣



淡巴菰味莫教聞西俗最敬婦人吸煙者遠避

白色花冠素色裳縞衣如雪履如霜旁觀莫諛文君寡

此是人家新嫁娘太西以白為吉色婦女服飾多用之新昏則徧身皆白矣

柔荑不讓碩人篇一握方稱禮數全疎畧恐教卿怪我

並非執手愛卷然相見以握手為敬不分男女也

西洋照像法攝人影入鏡中以藥汁印出紙上千

百本無不畢肖予來巴黎法國倫敦英國畫師

多乞往照人皆先覩為快聞有以重價赴肆購

買亦佳話也

### 海國勝遊草

海隅傳徧使星過紙繪新聞萬本多太西各國日印新聞紙數十萬張

中夏衣冠先覩快化身頃刻百東坡

意匠經營為寫真鏡中印出宰官身書生何幸遭逢好

竟作東來第一人

團扇當年畫放翁家家爭欲覩儀容近來海國傳佳話

不惜金錢繪友松

戈軍門登操常勝軍佐中土戎事迭著戰功予四

月至英都承見訪且邀赴五拉車官舍小酌即

席書贈



不謂天涯客相逢，慙素心威名華夏震。交誼海雲深，君戰

功卓著中外咸仰園裏朱櫻摘，尊中綠酒斟。殷殷談往事，不覺

動長吟

將軍司武庫，昆季位通侯。令兄司軍器局重任也。邀至官舍宴樓上。宴客金

尊設席設李少荃論功繡服酬君以賜衣圖易一簾

花雨潤是日微雨四壁陣雲秋壁懸歷次戰圖他日旋京國，交情憶

此樓

四月二十三日英國君主請赴宴舞宮飲宴

鎮殿將軍執戟矛繡衣金甲，毳毼整森嚴。官闕人難到，

海國勝遊草

三

羽隊齊排五鳳樓

玉階仙仗列千官，滿砌名花七寶欄。夜半金鑪添獸炭，

瓊樓高處不勝寒

何期身到大羅天，仙樂聲飄下界傳。樓上殿上燭龍光

四照珠燈萬盞紫霄懸。殿宇之大可容千人懸燈八千六百餘盞光勝白晝

儲貳英名海國聞，衣冠儒雅亦溫文。殊方解敬中華使，

異語謙光迥出羣。世子年弱冠甚文雅與如同見客

筵開方丈酒盈尊，卜夜還同卜晝論。百隊仙姬齊侍立，

玉妃親自問寒暄。是夜男婦有官爵者入宮宴舞計逾千人



長裾窄袖羽衣輕，寶串圍胸照眼明。曲奏霓裳同按拍，鸞歌鳳舞到蓬瀛。

仙厨珍品綺筵排，佳茗頻斟瑪瑙杯。三百萬箱中土產，

嫩芽妙選一旗開。

海關存茶三百萬箱

大棗如瓜千歲桃，玉盤王母賜蒲萄。歸來誇向同人說，能到瑤池已足豪。

四月三十日夜瞞者斯

都北大鎮

登車次早即至倫敦

計程六百里

瞞者歇笙歌

是日鄉官也，姓約觀劇

登車夜已半，形制類厥軒卧

海國勝遊草

三

榻環四面地主送，客歸欹枕我亦倦。御者整器具，膏車然石炭。初聞風嘯聲，俄傾似飛箭。前車如兔脫，後乘亦魚貫。對床尚高談，不作撫髀歎。忽聞入山腹，輕雷來耳畔。有時過村鎮，燈火似奔電。迨度倫敦關，雞人甫戒旦。瞬息六百程，飛仙應我羨。

五月初二日伯爵得君夫人招飲

愛客推豪俠，相延入畫樓。紅粧調杏酪，翠色滷茶甌。羅綺皆嬌麗，門楣盡列侯。更聞仙樂奏，花裡擊擊球。

時女客皆

赴園中擊球



包姓別墅

包繙繹官戚友  
婦女均來看視

美酒蒲桃玉手傾彩球擊罷態輕盈柔荑新浣薔薇露  
自擘瑤箋錄小名

彌思

譯言女  
兒也

小字是安拏明慧堪稱解語花噫噫鶯聲

誇百轉方言最愛學中華

絕世佳人塔木森細腰善舞綠楊陰怪他蝴蝶隨人至  
折得花枝代客簪

笑靨生春葛得蘭丰姿綽約玉珊珊自言不泥輪迴說  
約指金環脫與看

西俗婚期主教者予女金  
環戒勿脫違則不利云

海國勝遊草

十四

十二日航海赴荷蘭國

舟發倫敦酒未闌黑甜鄉裡破狂瀾朝來洗眼憑窗看  
旭日晴波到荷蘭

西洋女多美麗惟髮有黑與黃赤之不同近又以

白色為貴昨見公會中命婦白髮者十居二三

詢係染成者

多蘇格  
蘭人

姑射仙人下廣寒雪花如掌壓雲鬟素添兩鬢霜千縷  
白到纖眉月一彎誤認令妻為壽母怪他鶴髮被童顏  
不須海外尋螺黛寶髻低垂照玉山



伐毛洗髓記仙經分得姮娥貯藥瓶不日白乎真皜皜  
黥然黑者化星星從茲毫髮應無憾始信刀圭別有靈  
白首如新嘉偶配駐顏預卜享遐齡

十四日任拉黑

荷蘭南  
都地名

赴北海濱看日落

落日照長隄遊人出郭西碧連霄漢迥紅入海天低霞

影烘樓閣潮聲雜鼓鞀

地有樓榭數座樂工奏樂  
為遊人憇息宴飲之所

歸途

明月上深樹晚烟迷

十六日赴安特坦

荷蘭  
北都

見用火輪洩亞零海水法

極精巧

舊為海水淹浸用此法已  
涸出良田三十餘萬畝

海國勝遊草

五

荷蘭自古擅名都滄海桑田今昔殊處處紅橋通畫舫  
灣灣碧水界長衢晶簾十里開明鏡璧月千潭照夜珠  
創造火輪興水利黍苗綠徧亞零湖

安特坦長河數十道每河兩岸皆築高樓以河水  
為街衢天下無此奇景且處處樓閣精麗雕欄  
百尺影入清波儼然圖畫

四圍樓閣畫圖中影入長河上下同忽聽鶯聲高處轉  
美人粧罷啟簾櫳

寓樓卽景



樓榭連雲起雕欄照水明畫船隨處泊  
每河大小船甚多處處可泊  
人在鏡中行

十里珠簾卷虹橋影正圓  
通城有橋七百五十座  
綠陰深樹裏搖

出賣花船

昨觀火輪洩水偶題七律一首已入新聞紙數萬

本遍傳國中今日遊生靈苑所畜珍禽異獸甚

多長官具中華筆墨索題走筆

遐方景物倍鮮妍得句頻聯翰墨緣今日新詩纔脫稿

明朝萬口已流傳

海國勝遊草

六

十八日夜登輪船海濱有奏樂並烟火戲

聒耳笙歌月色新樓臺局下集遊人彩雲五色當空見

火樹銀花照海濱

十九日陰雨竟日舟中寂坐與  
鳳夔九德在初談詩

海氣濛濛雨明窗遠景奇品茶添逸興相與細談詩

任酣博爾樓

此身疑是到瀛洲兩岸垂楊四面樓無數畫船烟水裏

六橋風景似杭州

次日陰雨



雨絲風片一溪烟烟雨迷離接遠天疑是鴛鴦湖畔住  
幾行鷗鷺逐遊船

成稅司

名立士酹博爾國  
人曾充中土稅司

樓上聽夫人並阿姨琴

曲

主人情重倍相親佳果香醪次第陳難得亭亭賢內助  
瑤琴一曲代留賓

阿姨年紀正芳齡宛轉歌喉把盞聽好似湘靈來鼓瑟  
曲終湖上數峰青

樓臨大湖

二女以小照相贈

海國勝遊草

七

新月纖眉細柳腰丰姿綽約態難描歸帆載得江東去  
不數當年大小喬

二十日至呵奔黑根

丹麻爾國都

看美人馳馬

霓裳翠被戴花冠駿馬驕嘶萬衆看紫燕綠螭

西京雜記漢文

帝得九良馬名

來漢廐雪膚花貌降仙壇千番險巇頻驚目百

種嬌嬈穩坐鞍

婦女馳馬皆長裾側坐

碧眼胡兒應咋舌定疑神

女駕青鸞

次夜復見此女易玄裳馳驟

西國佳人善馳馬整衣超乘神閒雅千人拍掌競稱奇



嬾嬾丰姿燈影下

諸戲皆夜演

凝眸審視非尋常昨衣綺素

今玄裳疾馳百轉轡在手矯如隻鶴雲中翔

二十五日夜任雲居平次日至瑞典國

昨發丹麻爾今日至瑞顛揚帆出海口百里如遊仙易  
車東北行疾馳無庸鞭夜至雲居平層樓高接天衆稱  
使星過聚看多未眠聞茲山水秀靈氣鍾嬋娟貂裘籠  
素手丰致真嫣然曉起寒更列盛夏衣裝棉長湖足娛  
目草木胥秀妍停車入村店餅舖尙新鮮當鑪有佳人  
勸客沽飲便御者趣行急急遽償酒錢未晡入都會記  
海國勝遊草  
六  
里逾二千

見瑞典國王弟

位冠羣僚太弟尊治平嘉政贊邦君溫言優禮春風度  
謙德遙傳異域聞

呈瑞典國王

時在王宮遊覽  
飲酒卽席書呈

珠宮貝闕人間少水木清華處處幽五萬里人欣寓目  
歸帆傳頌徧齊州

書扇呈瑞典國王妃

羽林仙仗列瑤臺臨水軒窗面面開盛燕離宮真異數



君王親舉紫霞杯

荷蘭公主重詞章  
几案常聞翰墨香  
稱說使君題句好  
詩名早已頌椒房

妃爲荷蘭國公主予在荷題咏新聞  
紙早已到宮故見時卽云承詩贊咏

做邑有  
光矣

地臨北極晝常明  
夏日人來不夜城  
遠到銀河開眼界  
而今眞作泛槎行

### 觀大魚

魚長六丈好事者取其皮爲舟可容百餘人覆  
以大厦登樓度橋由魚口入設門檻几榻其中

### 海國勝遊草

十九

### 儼然巨艦

巨魚聞說可吞舟  
皮化爲船六丈修  
今日九人魚腹坐  
宛然游泳在中流

有滴水於玻璃用顯微鏡照影壁上見蝎蟲千百  
遊走其中滴醋亦然蚤虱大於車輪毫髮麤於  
巨蟒奇觀也

野馬窗前飛醯雞甕中舞照壁見蝎行鄉心動一縷君  
看一粒粟世界現須彌有國稱蠻觸莊生豈我欺

六月初一日見瑞典國太妃

輪船行三刻許  
距城約四十里



西池玉母住瀛洲十二珠宮詔許遊怪底紅塵飛不到  
碧波青嶂護瓊樓

初四日泊舟芬蘭登岸赴園一遊幽靜可喜晚至  
湖濱泛小舟采蘋花時子刻天尚明

水轉峯迴處林深曲徑通蘋花雙槩外唳鳥四山中石  
罅蒼苔補樓尖夕照烘勝遊真不夜朝旭海門東

富姓樓上作

有客約登樓環居地五畝情誼何殷然酌我蒲桃酒窗  
外種白榆盤中堆雪藕北望是冰洋寒氣欲入牖半年

海國勝遊草

二

爲白晝到此緣非偶眺望未逾時村鄰集男婦聞有中  
華人問訊來恐後談言重譯通言旋時過丑明日太史  
書客星犯牛斗

初五日由波羅的海至俄羅斯礮臺

聞十年前英法兩國兵船

攻礮臺不克始還議和

虎踞龍蟠勢雄都鎮朔方檣帆叢海澨樓閣燦斜陽滕  
薛難爭長齊秦定頡頏三臺軍火壯恃此衛金湯

至彼得爾堡看操兵見王弟王子

巨礮聲驚百里雷陣雲陡起馬銜枚書生豈解談兵畧



也許登壇閱武來

行館水法共三十一處每處有水管百餘激水直  
上高十五六丈如玉柱然水飛灑於池內濺玉  
跳珠旋自消滅不溢也太西各都罕有其匹孔

君名氣駐中  
國八年

奉相國命導予遊各宮院皆極華

麗而水法甲天下矣

水法奇觀天下罕園中掘地理銅管機括激成十丈高  
冷氣颼颼院庭滿千尋瀑布懸寒濤百道飛泉珠亂跳  
別苑離宮三十六晚涼處處不須招

海國勝遊草

三

初十日孔君送行書以留別

同登金碧夕陽樓難得相逢共勝遊明日萊尼河

布國境

外路思君定似隔三秋

自雲居平至俄都兩旬之中夜半天色尙明聞仲  
夏終夜見日光信乎半年爲晝不虛也

十二時中日色明五千里內照行程晨星落落尋難見  
晝漏迢迢聽最清駒影已升樓百尺雞人正報夜三更  
朝陽竟夕留鴉背何必焚膏對短檠

纔看夕照挂樓尖倏見晨霞映畫檐繡幄不須燒絳蠟



長空何處覓銀蟾

夏間月行南陸北地不見也

抱衾誰咏宵征蕭擊

柝無勞夜禁嚴惟有冬來愁晝晦可能天日總曠炎

冬至

前後半年為夜不見日光矣

月前在瑞典會以詩扇呈妃茲至伯爾靈

布國承都

寄照像見答因賦

開緘奕奕見真仙珠玉光輝下九天何幸瓊瑤報芹獻  
歸裝珍重好流傳

不信遊蹤近北辰乘查直到斗牛津天孫親與支機石

彤管標題惠使臣

海國勝遊草

三

任伯爾靈見布國妃

侍女舉裳啓闕門宮庭肅穆淑儀尊兩行燈燭珠簾捲  
氣度謙光語意溫

寡君軍旅正殷繁欲賦緇衣未返轅難得中華星使到  
好將風景采輜軒

與太西人談地球自轉理有可信

漢時鑄儀象璿璣用以傳七政屬右轉天體實左旋穹  
窿大無外其象難窺瞻何得日一轉終古無息肩西法  
近愈邃乃云殊不然地球係自轉一日一周天聞茲初



甚惑管見費鑽研若云地廣厚旋轉焉能便一轉九萬里人民苦倒懸豈無傾覆患宮室多危顛不知真力滿大氣包八埏我行球過半高卑判天淵予此行極西至英國倫敦當在地球側面中華日正午英國雞鳴前所攜時辰表每正午倫敦雞初鳴也人未覺可證形團圓天體億萬倍宗動何能然地轉良可信破的在一言

比利時國主曾至中華粵東省聞予來太西約往遊覽十五日至國都遣官約見

國君好禮出凡儔大畧雄才冠海陬蹤迹恰如滕世子

### 海國勝遊草

三

往歲君為世子時來中幅員六百里國至粵東聞父病乃旋較夏禹時諸侯萬國之地為甚廣繡裳璀璨開青瑣列戟森嚴繞畫樓稱說中華恩禮重君言在粵時承官長優待至今額手感 懷柔

熙朝典制久心傾不憚辛勞作遠行雲裏未瞻雙鳳闕

言擬至北 寰中最喜五羊城風濤頗慣承推重聞予能耐風濤

與如皆 門闔層開講送迎西俗不解送迎君以華禮相待怪底威儀能

有喜色 整肅樓前百隊展蜺旌侍弁數百兜鍪執槍列隊送客皆仿中華儀制

比利時刀劍為太西著名利器予購得一刀長三

尺據云曾經百鍊可屈如彎弓試之信然



昔聞西域昆吾刀周時入貢登王朝

十洲記周穆王時西域獻昆吾刀切

玉如泥

三千年來未重見五萬里外欣逢遭何期神物入

吾手出匣寒光射牛斗等閒恐遇不平鳴驚人欲作蛟

龍吼

六月杪重至巴黎斯遊雀得不倫花園

名園重到倍流連林鳥呼人卉木妍最愛山頭飛瀑布

晶簾百尺挂巖前

有以鐵柵蓄獅子大小五置臺上人人柵持刀與

鬪羣獅怒吼跳攫為戲觀者咋舌

### 海國勝遊草

雷

毛披雙耳態蒙戎

頭耳長毛如畫形自頸以下響若鳴皆短毛深黃色西國多蓄之

鉦一吼雄

吼聲若銅鉦

虎豹聞聲皆懾伏如何失勢困樊籠

七月初六日

為外國八月十五日法國主是日生辰

街衢皆懸旂祝

壽明燈億萬盞綿亘十數里光可燭天煙火百

戲極盛四方觀者甚衆

火樹千尋起奇光燭九霄街衢開昼闕燈影接星橋遊

伎長裙燦香車駿馬驕金吾原不禁尋樂任連宵

布舉兩國搆兵未息俟法人為之議和

元帥班自鐵門關

元史太祖兵至印度鐵門關見一獸高數百丈為人言曰汝主宜早還耶



律楚材曰此名角端蓋上天惡殺遣  
告陛下此獸靈異不可犯乃班師  
止殺原因見角端  
焉得神靈隨處降徧傳天語萬邦安

過伯爾靈比利時各國都晤美理駕使臣言其國

地形與中土相對此正午彼正子也與聯邦志

畧諸書相符

美國與中華上下同大地地形如循環轉旋等腹背我  
立首戴天彼云我欲墜我見日初升而彼方嚮晦高下  
踵相接我興彼正寐大塊如輓轡一息無停滯衛公來  
京師贈我聯邦志

美國使臣衛廉士駐北京六年前歲  
贈予聯邦志畧所言疆域政事甚詳

海國勝遊草

三

才士丁瑋良著書講文藝

美國文士丁瑋良學問甚優  
以所著地球說畧等書見惠

初如井底蛙開編猶憤憤書云地形方主靜明其義豈  
知圓如球晝夜如斯逝算法推太西精巧運神智遠近  
窺天文行星推度細火輪創舟車制器洵奇異窺象辨  
高卑蠡測得其意我今四海遊三分會歷二行蹤已過  
半即可悟全例所惜居地中星躔徒仰企會當凌虛空  
日擊人間世搏扶九萬里乾坤胥定位



前次者同次之交中外格通商前  
衝華人者欲乘風破浪轍抱忠  
而款之憾試君友林草識趨時來  
樣以往探此悉然通並各國誠  
不似昔中後第一人裁

介長瑞立應謹跋